

آبونه شماره اظہار

ممالک عثمانیہ دہ سنہ لکی (۶۵)، آلتی  
آلمنی (۳۵) غروشدور.

ممالک اجنبیہ دہ سنہ لکی (۱۷)، آلتی  
آلمنی (۹) ذراقدر.

ادارہ خانہ

باب عالی جادہ سندہ دائرہ مخصوصہ

اظہارات

آبونه بدلی پشیندر

§

مسلمک موافق آثار مع المنونہ قبول  
اولنور. درج ایدلہ یں یازیلر اعادہ  
اولونماز.

# الکشاف

۱۳۳۰

دینی، فلسفی، علمی، ادبی ہفتہ لقی مجموعہ اسلامیہ در.

اتبعون اهدکم سبیل الرشاد

صاحب و مدیر

سر محرر

ع. اشرف ارباب

محمد عاکف

والله یهدی من یشاء الی صراط مستقیم

## مطبوعات

### حرب حاضرین آلمان در سرب

#### خسر الدنیا والاخرہ

فرانسزل طرفدن يك انصافسز بر صورتده داتما ايلك صف حربہ  
واك تہلكہلى نقطہ لہ سوق ايدیلہ رك قيردير بلان ، مدہش طوب  
آتشلرينہ قارشى جانلى سپر اتخاذا ايدیلن جزايرلى و سودانلى دیندار  
شلمزك نہ دنيا دہ ، نہ عقبا دہ خسرا ندن باشقہ هیچ بر فائده بخش  
ایتمہ جك هجوملرينى مصور بر منظرہ قارشوسنده تصفير افكار رفيقمزك  
جان وكوكلدن آقیتدینى كوز ياشلرى :

« بورسم ، هر مسلمانى درین درین دوشوندير دجك فجیع منظرہ لر دندر .  
زواللى آفریقا اقوام اسلامیه سی ! هیچ بر طرفدن تشویقات تمدنیہ کورمدکلری  
حالده مجرد اسلامیتك بخش ایتربكى قوه ساخرانه سامه سنده یرلى اقوامك اك  
ممتاز و مستعد زمره سنى تشکیل ایدن مسلمانلر کندی کندیلرینى حسن اداره  
ایده جك دولتلر حالده تشکیل ایدہ بیلرکن ، بر طرفدن ایچلر نده قواى متفرقه لرینى  
جمع و توحید ایدہ جك زمامدارلر ظهور ایتهمسى ، دیگر طرفدن غربك عاجزه  
قارشى يك غدارانه استعمال ایتدیكى وسائط مدہشہ تخریبیه ماده مقابله  
ایدمه مك یوزندن نهایت بر بر کردانداده تابعت و اسارت اولمشلر و شدیدی دہ  
بولہ هیچ دخل و منفعلتلى اولمایان بر حربہ سوق ایدیلہ رك محو و پریشان  
ایدلکده بولمشلردر . مع مافیه هر اسلام ایچون يك دلغراش اولسى لازم کان  
شومنظرده بنه بادی تسللى بر نقطه واردرکه اوده دیندارلر مزك آلمانلرک او  
يك مدہش عد ایدیلن آتشلى قارشوسنده کوستردکلری جسارت و شجاعتدر .  
بودکلر ، شجیع وفدا کار عسکرلر ، کندیلرینك قومتى بحق تقدیر ایدن الارک  
زیر اداره سنده اولسه یدى عجب اولنرله نه جهانگیرانه موقعیتلر  
قازانیمازدى ... »

#### ۴۵۰ میلیون مسلمانلى عالمى خلیفہ نك امرینه منتظر در

« قامانا » غزته سنك بر مقاله سندن :

عثمانلى حكومتك پادشاهى ، آق دكزدن تا هندستان و آفریقا  
سواحله قدر اولان مالکده ساکن ۴۵۰ میلیون مسلمانك  
خلیفه سیدر . اسلاملر دینا آکا مربوطدرلر . قافقاسیه دہ اسلاملر روسیه نك ،  
هندستانده انکتره نك ، آفریقا دہ فرانسه نك تحت اداره سنده درلر . اگر  
حكومت عثمانیه روسیه ایله محاربه ایدہ جك اولورسه بو حرب عمومى بر محاربه  
شکلنى اخذ ایدہ جکدر . ایران روسیه علیهنه محاربه یه اشتراك ایدہ جکى کبی  
هندستان و آفریقا دہ کى مسلمانلر دہ سلاح اختلاله صاریلہ جقلردر . زیرا اورالردہ کى  
مسلمانلر هیچ بر وقت خلیفہ لرینك اوامرى خلافتہ حرکت ایدہ منزلر . بوندن  
ماعددا حكومت عثمانیه نك موقعی دہ غایت مهملدر . آوروپا ، آسیا و آفریقا نك

بوتون دنيا دہ مادی و معنوى يك عظیم انقلابره بادی اوله جق حرب  
حاضرین فردلر ، جمعیتر ، ملتلر ، حاصلی بوتون جهان بوکون بویوک  
بویوک درسار آلور . بودرسار میاننده بزجه اك مهمى بوقدر قدرت  
وقوتله برابر آلمان ایمپراطورینك ، آلمان قوماندانلرینك جناب حق  
دیللرندن دوشورمه ملری ، مظفریتلرینك شرفى جناب حقہ بر اقلری در .  
شیمدی به قدر آلمان ایمپراطورینك هیچ بر نطقى یوقدرکه مظفریتى  
جناب حقك لطف و معاونتہ تفویض ایتهمش اولسون . جنرال هیدنبورغ  
کبی جهانگیر بر قوماندان روسلرک بشیوز بیک کشیلک اوردولرینى  
پریشان ایتدکدن ، یوز بیکلرجه اسیر آلدقندن سوکرا شجیع عسکرینه  
بر بیانامه نشر ایدیور : « علی العاده بر وظیفه سنى ایفا ایتمش کبی هیچ  
غشور کتیرمه یه رك کمال تواضعله عسکرینى تلغیف ایدیور و سوکندده  
« بومظفریتك شرفى جناب حقہ بر اقره رق وظیفه مزى اکاله چالیشلم »  
تسلیمیتله بیانامه سنده نهایت ویریور . ایشته بو ، مسلمانلرک تلقین  
ایتدیكى احکامه رعایتدن بشقہ برشى دکدر : « فاذا عزمت فتوکل  
علی الله . »

طوب ، توفك ، زرهلى ، طیاره ، حاصلی قرملرده ، دکزلرده ،  
هوالرده قوت نامنه نه دارسه کوجنك یتدیكى قدر چالیشهرق ، بر آن  
عطالته دوشمکسزین کیجه کوندوز اوغراشهرق هپسنى اعداد واحضار  
ایتدکدن سوکرا کندینى درت طرفدن صاران اردولره متوکلا علی الله  
هجوم ایدیور و مظفر اولیور .

ایشته انسانلرک ، ملتلرک بقا و حیاتلى ایچون وضع ایدیلن و واسطه  
رسول ذیشان ایله مسلمانلر تبلیغ بویورولان بوقوانین الهیه خلقت  
وطبیعتك قانونلری قدر قطعی و لایتغیردر . مسلمانلر بوکبی اوامرالهییه  
باشقہ ملتله بالنعل اوکرده رك بوتون جهانده نمونه امتثال اوله جق  
ایکن نه غریبدرکه بوکون باشقہ لرندن عبرت آلمق درکه سنده بولونیورلر !  
کتاب الله اللرنده اولدینى حالده سائقه غفلتله حقایق دینیه دن ذهول  
ایدن مسلمانلرک بو حالى ، کونشی کورمك ایچون طوغرودن طوغروه  
اکا توجه ایتیبوده شمسك صویه عکس ایدن خیالنه باقان ، یعنی کوکده کى  
کونشی یرده آریان بیچاره نك حاله بکزر . فاعتبروا یا اولی الابصار ! ..